

From: UUM CORPORATE COMM.
Sent: Sunday, July 21, 2019 4:11 PM
To: UUM - All Staff; UUM - All Students
Subject: Pusat Kokurikulum Rangkul Tiga Emas Di NUCC 2019



UUM Corporate Comm.
Universiti Utara Malaysia

21 JULAI 2019 / 18 ZULKAEDAH 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Samsuri Abdul Razak
Gambar oleh: Pusat Kokurikulum

PUSAT KOKURIKULUM RANGKUL TIGA EMAS DI NUCC 2019



UUM ONLINE: Selangor - Pusat Kokurikulum telah merangkul tiga pingat emas bagi produk pembelajaran kokurikulum pada Persidangan Kebangsaan Kokurikulum Universiti 2019 (NUCC 2019) di Universiti Putra Malaysia, baru-baru ini.

Pengarah Pusat Kokurikulum, Prof. Madya Dr. Hussin Abdullah berkata, tiga emas tersebut diperoleh menerusi produk OutCE Kok, PASS-DT dan I-SpiReL yang turut dipilih sebagai pemenang tempat pertama Pertandingan Inovasi PdP Kokurikulum pada persidangan sama.

Menurutnya, kejayaan produk pembelajaran kokurikulum UUM dalam Pertandingan Inovasi PdP Kokurikulum NUCC2019 itu adalah suatu usaha dalam memperkasakan kokurikulum universiti yang menekankan kemahiran insaniah pelajar.

Katanya, ia adalah bagi memenuhi hasrat universiti mewujudkan pendidikan seimbang dan menyeluruh supaya pelajar menjadi siswazah yang lebih matang, melatih aspek kepimpinan dengan menitikberatkan disiplin, organisasi dan kerjasama kumpulan dalam kalangan pelajar, seterusnya memberi peluang kepada pelajar mengasah bakat dan kemahiran diri serta memupuk semangat kerjasama dan perpaduan kaum.

Produk OutCE Kok atau *Out Campus Community Engagement* dicetuskan oleh Prof. Madya Dr. Hussin sendiri bersama Prof. Madya Dr. Mardzelah Makhsin, Mejar Norzilah Aziz, Dr. Mohd. Noor Abdul Hamid, Dr. Azizah Md. Yusof dan Dr. Nor Hasimah Ismail.

OutCE KoK adalah pembelajaran '*survive learning*' melalui khidmat komuniti pelajar kokurikulum dalam memperkasakan kemahiran insaniah daripada aspek kepimpinan dan tanggungjawab sosial.

OutCE dibangunkan lanjutan daripada projek SPPK2: Sistem Pemarkahan Pelajar Ko-Kurikulum Berpanduan iCGPA dan program OutCE berorientasikan kepada pembelajaran khidmat komuniti dan pembelajaran pengalaman imersif kepada semua pelajar UUM yang diwajibkan mengambil kursus Ko-Kurikulum selama empat semester.

Antara projek yang mengaplikasikan program OutCE dalam pembelajaran khidmat komuniti adalah projek *E-Business Exposure* yang dilaksanakan di perkampungan Orang Asli Lubuk Lenggong, Baling yang disertai 58 pelajar UUM yang berkongsi ilmu kepada komuniti tersebut tentang perniagaan secara atas talian.

Manakala inovasi PASS-DT (*Predictive Analysis for Student Success using Decision Tree*) yang dibangunkan Dr. Jastini Mohd Jamil, Dr. Izwal Nizal Mohd Shahraneer dan Prof. Madya Dr. Hussin Abdullah merupakan aplikasi data analitik berasaskan web bagi meramal dan mengelaskan prestasi akademik pelajar kokurikulum.

PASS-DT mampu untuk meramal sama ada pelajar akan berada di kelas purata markah keseluruhan (PNK) 3.00 dan ke atas atau (PNK) 2.99 ke bawah, secara tidak langsung ia mampu membantu pelajar untuk memahami dan merancang prestasi akademik masing-masing dan pada masa sama membantu pensyarah dengan menjadi sistem amaran awal kepada prestasi pelajar di bawah pengawasan mereka.

Bagi produk pembelajaran I-SpiReL (*Islamic Spiritual Reflection Learning*), ia telah dibangunkan jurulatih Unit Kepimpinan Sub-Unit Kerohanian, Prof. Madya Dr. Mardzelah Makhsin yang mengguna pakai amalan hisbah refleksi Al-Nafs dalam kursus Ko-Kurikulum UUM di bawah Unit Kepimpinan Sub Unit Kerohanian.

I-SpiReL melibatkan kemahiran kecerdasan hisbah releksi Al-Nafs yang terdiri daripada enam domain iaitu potensi qalb, jasmani, akal, rohani, nafsu dan jiwa dalam membina kesedaran sendiri mahasiswa bagi meningkatkan kemahiran insaniah dari aspek kepimpinan, kerjasama berpasukan, komunikasi, tanggungjawab sosial, berfikiran kreatif dan kritis dalam menyelesaikan masalah, beretika dan memiliki moral profesionalisme sebagai pemimpin masyarakat.

NUCC 2019 dianjurkan Majlis Kokurikulum Universiti-Universiti Malaysia (UniCC) dengan kerjasama Jabatan Pendidikan Tinggi dan UPM dan disertai 20 universiti seluruh Malaysia seperti Universiti Malaya, Universiti Sains Malaysia dan Universiti Kebangsaan Malaysia dengan pembentangan kertas kerja sebanyak 43 artikel dan 30 penyertaan pertandingan inovasi pembelajaran dan pengajaran kokurikulum di IPT dengan tema '*Innovation Co-Curriculum to Enhance Student Development*'.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.